

國家圖書館分館編

清代孤本方志選

(第二輯第二十三冊) 湖北

通山縣志〔康熙〕八卷

孝感縣志〔康熙〕十六卷

縣誌叙

今夫億萬斯年以後之人猶得知
億萬斯年以前之事者恃有所紀
載也一代之紀載莫備於史而一
代之史又採輯於列國郡邑之書
而後成此稱官野史之論固編年

紀事者所必資也是故一邑之誌
一邑之書也而不僅為一邑之書
集天下之邑之誌合諸

朝廷之起居與百官之治蹟斯足以
成一代之史矣誌不與史相表裏
者哉麟不敝幸而生逢其盛不至

聖

天

世之棄人于順治辛丑春三月奉
命宰通迄于今殆五稔矣兢兢焉飲
冰茹蘖期以無負通民者上報
子即當軍需旁午之際未嘗不為通
邑計缺畧謀廢墜也殫思竭力夙

桓不遑庶幾與薦紳士庶慶諸務
之畢舉矣然獨取邑之前誌讀之
宋元之間尚有傳事有傳人惟明
萬曆丙戌而後暨
國朝今日約畧計之八十餘年其間
事蹟缺焉無紀不禁喟然嘆曰麟

於通邑之風俗民情固可謂識之
深且熟矣試有問麟以邑之往事
者則不能全舉以對謂非守土之
羞乎幾欲博謀而纂輯之緣以連
年供億未遑著述故徒勤諸心而
未逮也適奉 上臺編輯全楚誌

書移文到邑則昔之勤諸心而朱
逮者今可籍茲而勉遂矣由是虛
心延攬購求遺聞以脩考核蓋重
其事也維時得鄉先生前廣西平
樂令郭公原江南桃源令朱公贊
一時博雅名儒率庠中積學生數

人集古洞淵觀殫心朝夕逐事求
詳歷年稽寃仍遍訪于山林之野
老故家之遺獻互相考証期于弗
謬閱而旬日而書成付之剞劂所
謂寧簡弗繁信弗疑示可以傳
之億萬斯年後之人而不誣也

將執是書以呈之

郡長達之

方伯進之

臺輔獻之

庭則無徒曰一邑之書也或可採而

為天下後世之書云

康熙乙巳孟冬之吉文林郎知通
山縣事四川保寧府蒼溪縣
人任鍾麟謹識

八卦變轉篇

山經事四卦卦率亦養氣經

東鄉子曰蓋冬之吉大林木可也

舊刻縣志序


進士出身翰林院庶吉士邑人舒弘緒崇禎庚辰
撰

通山居楚鄂東偏介在山谿蓋巖邑也邑治顛末
省典圖可攷不具論邑志久湮稽往事者靡所據
其附下雉郡紀者少概見弗能詳人人稱是典也
闕辛巳冬蜀張公九同尹茲土歷四稔務根絕莖
廩廩有德讓風政寬而勵諸廢悉舉邑為易觀事

事餘閒念邑志獨闕乃命搜故實參傳聞旁羅
摩不闕月而就爰付之梓茲夫公之志厯哉夫古
列國有史今郡縣有志志一邑之史歟是安可
弗修雖然修何容多矣覽是編首輿地終藝文其
間各分類而紀循次而載綱維縷析爛然有第一
邑之事開卷若指諸掌蓋其詳哉然人治紀贊否
人物紀淑慝厥繫尤有當重云嘗耳剽遺苟言國
守令師帥不及睹記近百年以來治行興廢

模懋著者不數人歷歷可指鄉士大夫庶人刻之
雅行履方砥節以自表樹者亦不數得間有深情
隱匿希聲采譽之徒終莫售欺于世他如物頗盛
衰世故得失徃往言之有徵則又竊念人心固各
有志何必紀載之文志之所重大畧可觀矣修志
容易哉存實錄以明是非昭勸戒寧獨記事書述
直且核乃為信志乃可傳使後之守令若屬謂某
賢具傳某僅存姓氏邑人則謂某心迹不可得私

且泯能以慮惕無以耳食庶不曠賢不竅行是與
也尚亦重哉不然則無為貴志矣余不佞以公索
余言引其端輒附其臆說若此若公之善政則後
自有紀之者茲且不悉具云



山
水
圖

乙